



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 17. Regia declaratio de silentii lege circa præsentem controversiam imponenda.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

fiasticæ auctoritatis usurpationem re-  
 jecturus esset: Attamen Cardinalis Tre-  
 mollius horum propositiones flocci ha-  
 buit; subodorabatur enim, hæc ab eis  
 eo fine proponi, ut Rex & Regnum ap-  
 pellationibus jam factis adhærere, &  
 defuncti Regis mandata de acceptanda  
 observandaque Constitutione tacite re-  
 vocari, necnon Bullam in Ecclesia vim  
 legis nunquam obtinuisse, declarasse  
 crederetur, ac denique, ut hujus causæ  
 decisione in proximum Concilium  
 remissa, ipsemet Rex contra Constitu-  
 tionem ad Concilium juxta Appellan-  
 tium normam provocasse videretur.

Sæc. XVIII.  
 A. C. 1717.

§. XVII.

*Regia declaratio de silentii lege circa  
 præsentem controversiam.*

Quoniam vero Cardinalis Tremollius  
 per Silentii legem, prout eam  
 Pontifex imponere meditabatur, tur-  
 bas sedandi media magis expedita red-  
 di sperabat, hinc ipse ejusmodi decla-  
 rationis typum, qui tam Romanæ,  
 quam Gallicæ Curie acceptus esset,  
 concepit, atque ad Regni Regentem  
 transmisit. Illius summa erat hæc:  
 „cum ex scribendi licentia jam a longo  
 „tempore nil nisi novæ contentiones  
 „ortæ fuissent, necessarium videtur,  
 „sub

Dorsann. &  
 Lafiteau l. 6.

Sæc. XVIII. „sub gravissimis pœnis prohibere, ne  
A. C. 1717. „deinceps quicquam agatur, dica-  
 „tur vel scribatur circa præsentem con-  
 „troversiam, donec Pontifex hanc causam  
 „terminandi media obtulerit. Attamen Cardinales Rohanius & Byssius  
 ejusmodi declaratione Acceptantium honori haud cautum esse existima-  
 bant, cum his quoque silentium imponeretur, proin nec iis, rebellium insultus  
 punire amplius liceret, quod tamen Principis laici potestatem excederet,  
 petebant igitur, ut duntaxat contra Bullam scribere vel loqui prohiberetur,  
 nihilominus Tremollius prosperi successus fiducia præventus, neglecto ho-  
 rum consilio, Serenissimo Regenti rescripsit, consultissimum esse, ut silentii  
 lex tamdiu imponeretur, quamdiu Romæ Feuilladi Oratoris negotiatio cum summo  
 Pontifice perduraret: Placuit Serenissimo Regenti hoc consilium, quod  
 ejusmodi mox declarationem, ut conciperet, suo præcepit Cancellario,  
 quam etiam Regens die prima & tertia Octobris præsentem Cardinale Noaillo,  
 Cancellario, & Uxelio Marchione prælegi jussit: Igitur die septima ejusdem  
 Mensis paucis mutatis hæc declaratio promulgata, & tertio post die Romam  
 transmissa est, unacum duabus literis, in quarum prima, quam proficua Sedi  
 Apo-

Apostolicæ esset hæc declaratio circa Sæc. XVIII.  
 silentium exponebatur, in altera vero A.C. 1717.  
 significabatur, quod exortis in Regno  
 diffidiis nonnisi summi Pontificis aut  
 Concilii Generalis auctoritate compo-  
 nendis, æquum ac justum esset, ut  
 prius ad Sanctitatem suam recurrere-  
 tur, interim vero, donec ea rem de-  
 finierit, silentium imponeretur, cuncta-  
 que hucusque acta in suspenso perma-  
 nerent. Cardinalis quoque Noaillius  
 Regenti non tantum ore, sed suo e-  
 tiam chirographo pollicitus est, quod,  
 si Regni Regens I. fidei professionem,  
 prout inter Acceptantes & Opponentem  
 Episcopos unanimi consensu concepta  
 fuisset, Romam mittere, ac II. efficere  
 velit, ut ea nomine Acceptantium summo  
 Pontifici exhiberetur, atque III. illam  
 sacra Sedes approbatura esset, adim-  
 pletis hisce tribus conditionibus ipse  
 Constitutionum acceptare paratus fo-  
 ret. Postquam igitur Regens Noaillio  
 suam obstrinxisset fidem, Regia decla-  
 ratio, & præfata fidei professio unacum  
 Regentis Serenissimi literis die decima  
 septima Octobris ad Trimollium Ro-  
 mam transmissa est: In ea Ludovi-  
 cus XIV. Rex exposuit, quod defuncti  
 Regis vestigiis insistens, turbas occa-  
 sione Constitutionis *Unigenitus* inter Ec-  
 clesiasticos exortas reddita pace extin-  
 guere

Sæc. XVIII. A. C. 1717. guere decreverit, cum ergo post varia  
 media incassum adhibita experientia do-  
 cuerit, hæc pacis consilia potissimum  
 altercationibus mutuis, & scribendi,  
 libellosque vulgandi licentia, qua non  
 pauci Episcopos convitari, Regni le-  
 ges violare, summaque temeritate  
 ipsam sacram Sedem summumque Pon-  
 tificem injuriose impetere ausi sunt,  
 non sine maximo Religionis detrimento  
 & Ecclesiæ hostium triumpho inter-  
 turbari, omnesque malum sanandi vias  
 eludi, hinc Rex haud dignius suam  
 auctoritatem impendere posse ratus,  
 quam si tanquam Ecclesiæ Protector  
 veluti per inducias viam ad stabilem  
 pacem præpararet, quin ullo pacto  
 suam potestatem ad ea, quæ doctrinam  
 concernunt, extendere præsumat, sibi  
 persuasissimum habens, quod sacrum  
 hoc depositum alteri potestati sit con-  
 creditum. Statuit ergo ex plurimum  
 Regni Præsulum, qui inter se circa fe-  
 dem haud dissentire sæpius declararunt,  
 consilio imponere silentium non minus  
 utile, quam necessarium eo tempore,  
 quo Episcopis circa dogma unitis, &  
 circa reliqua facile conciliandis permi-  
 ciosissimum foret, Ecclesiam altercatio-  
 nibus turbari. Postea profitebatur Rex  
 quod has inducias seu silentium nequa-  
 quam ad tempus indefinitum, cum hoc

Sæc. XVIII.  
A. C. 1717.

ejus potestatem excederet, extendere intendat, sed duntaxat illud tamdiu observari velit, donec Pontifex Franciæ mala misertus, solidam pacem reddendi media proposuerit, & Rex ad Pontificis mentem ea executioni dare potuerit, interea vero Rex omnia in suspenso haberi. ac prudenti utilique rigore contra turbidos calamos & ora procedi velit. Eapropter declaravit & præcepit Rex, ut omnia jurgia, contentiones, & dissidia hucusque occasione Constitutionis mota suspendantur, imposito circa hanc rem perfecto silentio, usquedum Pontifex media ad extinguendas hasce dissensiones apta suppeditaverit: Cunctis igitur Universitatibus ac præcipue Theologiæ Facultatibus sint interdictæ disputationes circa materiam Constitutionis: omnibus etiam, cujuscunque status & conditionis, sub pœna rebellionis, & inobedienciæ sit prohibitum, scripta, libellos &c. circa hoc argumentum componere, typis mandare, vendere aut divulgare, vel directe aut indirecte quicquam loqui, scribere &c. contra reverentiam sanctæ Sedi & summo Pontifici debitam: vetitum insuper, ne injuriosa nota *Novatorum, Jansenistarum, Semi-Pelagianorum, schismaticorum, hæreticorum, aut factiosorum* mutuo sese

*Hist. Eccles. Tom. LXIX. Mm la*